



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

CCCCLVII. Der Rath zu Salzwedel bekundet, wie die Gilde Unserer Lieben
Frauen daselbst gegen Jacob Alem und dessen Gattin die Pflicht
übernommen haben, ihnen lebenslang eine Rente zu zahlen und nach ...

Nutzungsbedingungen

[urn:nbn:de:hbz:466:1-54909](https://nbn-resolving.org/urn:nbn:de:hbz:466:1-54909)

fendal, Hans Münter, Jurgen Schulte, Diderick Mechow, Otto Vinzelbergh, Claues Breuitze, Jacob Alem vnd Herme Chüden, Radmanne to Soltwedel, bekennen apenbare myth dusem breue tugende vor als weme, dath vor vns is gewesen Hinrick Ritsleue, vnse Medeborger, vnd hefft vorkofft recht vnd redliken to eynem rechten erffkope, vorkofft ock, in kraft dusfes breffes, twe marck pennige jarliker renthen vnser Stadt weringhe dem vorsichtigen Göde Ribowen vnd Berend Leuin, Vorstendere des Hospitals Sünthe Elifabeth vnd der Vorstendere Nakomelingke, vor XX marck derfuluen weringhe, de ehm wol tho dancke vornoghet vnd betalet synt. Dusse twe marck pennige jarliker renthe schall Hinrick Ritsleue, vorbenomet, alle jahr to veer tyden des fahrs, alle to Sünthe Johannis Baptisten daghe, to Sünthe Michaelis daghe, to Wynachten vnd to Paschen, to isliker tydt mit VIII schilling penning der vorscreuen weringhe dem vorsichtigen Ghöde Ribowen vnd Berend Leuin, Vorstendern des Hospitals Sünthe Elifabeth vnd der Vorstender nakomelingk, sunder vortoch entrichten vnd betalen. Doch hefft de genomede Hinrick Ritsleue vor sich den wedderkop der vorscreuen twe marck pennighe jarliker renthen hyran beholden, alle wanner dat öhm dat bequeme is, so mach he de ghenömede Ghöde Ribow vnd Berent Leuin, Vorstender des Hospitals Sünthe Elifabeth vnd der Vorstender Nakomelingk, sodane XX marck penninghe houetstohls myt allen bedageden nastelligen renthen der vorscreuen weringhe full vnd all entrichten. Vnde alsodann schall Hinrick Ritsleue sodane twe marck pennighe jarliker renthen wedder fryg vnd lofs syn. Desfes to bekantnisse hebbe wy vnse der Nygenstadt Ingefegell williken an desfen breff hengen heten, na Christi vnser Heren gheborth veerteynhundert Jahr, dar nah im negen vnd souentigsten Jahr, am Pasch auende.

Gercken's Fragm. 1, 132. 133.

CCCLVII. Der Rath zu Salzwedel befundet, wie die Gilde Unserer Lieben Frauen daselbst gegen Jacob Alem und dessen Gattin Ilse die Pflicht übernommen haben, ihnen lebenslang eine Rente zu zahlen und nach ihrem Tode jährlich eine Gedächtnißfeier halten zu lassen, am 13. Dezember 1479.

Wy hans rodenze, diderik allingkstede, Jacob mechow, henningk kramer, wilhelm bormester, Tide brunow, hinrick groteian, hans besendal, Otto boicholte, Otto fyntzelberger, Jurgen schulte, hans bock, hans muntir, wolter wolter, Diderik mechow, lutke holtorp, Claws brewitze vnd Jacob alem, Radmanne to Soltwedel, Bekennen apenbaren myt dussem breue tugende vor alszwenn, dat in vnser Jegenwardicheyt hans werkmester vnnnd hans szechorst, vorstendere vnd ghildemestern vnser leue frowen ghilde vnd broderscop in vnser Olden Stad Soltwedell, hebben gewilkoret, Wilkoran ok in crafft dusfes briues vor sick vnd ore nachkomen dry mark penning Jarliker liffrenten vnser Stad werunge In den renten vnd tynszen, de derfulsten ghilde vnd broderscopp alle Jarliken tokomen vnd vallen moghen, Jacob alem dem oldern vnd Ilfen, syner eeliken hufwren, to orer twyer liue. Dusse dry marck penning Jarliker liffrenten schollen vnd wollen hans werkmester vnd hans szechorst ofte ore nachkomenn ghildemester vnser leuen frowen broderscop vorgenannt den erbenombden Jacob vnd Ilfen sunderlike de tyd ourer twyer leuende Vnd nach

des eynen dode deme andern befundern de tyd fynes gantzen leuendes alle Jarlikes to vir tyden des Jares, alzē to paschen, to sunte Johannis dage middenfommers, to sunte Michaelis dage vnd to Wynachten, to isliker tyd twelf schillingk penning vnser Stad weringe, sunder vortoch vnd widersprake entrichten vnd betalen. Vnde wannere denn de vorcreuenen Jacob vnd Ilsebe, syne eelike huffrowe, beyde nach dem willen godes von dodeswegenn vorfallen synt, schollen alzdenn de vorbenomenden ghildemestere offte ore nachkomenn den erbenommden Jacob vnd Illeben, syner eeliken huffrowen, tohulpe vnd troste orer selen salicheyt bestellen vnd naholden laten alle Jerliken Eyne memorien offte beghengkniße myt den ledematen offte denern der kirken vnser leuefrawen In vnser Alden Stad vnd achte scholern, antoheuede jn den vir weken des lesten verstoruen vnd so dann so toholdende von Jar to Jar vpp de sulue tyd to ewigen tyden. To orkonde heben wy Radmanne vorgeannt vnse der Olden Stad Ingesigel williken laten hanghen an dessen briff, Na cristi vnser herren gebort vireyghundert darna Im Negen vnd Souentigstem Jare, Am daghe Lucie der hiligen Juncfrouwen.

Nach dem Original im Stadtarchive zu Salzwedel, Fach 13, No. 4.

CCCCLVIII. Die Vorsteher der Katharinenkirche in Salzwedel verkaufen eine Leibrente,
am 6. März 1480.

Wy Diderick allinxtede, Hans rodensee, Hennick kremer, Jacob mechow, Tide brunow, Wilhelm Burmester, Hinrick groteian, Otto borcholte, Hans besendal, Jurgen schulte, Otto fintzelberge, Hans bock, Hans munter, wolter wolters, lutke Holtorpe, Diderick mechow, Jacob aleman vnd Clawefs brewitze, Ratmanne to soltwedell, Bekennen apenbar in crafft dusses breues tugende vor alfweme, Dat in vnser iegenwardicheyt syn gewesen de vorsichtigen Jacob gulleuelde vnde marcus boddekers, vorstendere der kerken Sunte katherinen in der nigenstad Soltwedel, vnde hebben vor sick vnde ore nakamelinge ok vorstendere darfuluefs vorkofft recht vnd redeliken, vorkopen ok iegenwardich vpp vnde an deme gnanten gades huse Sunte katherinen, Sofs marck pennige iarliker rente Soltwedelscher weringe, der boscheyden heyliken, tide wolterfs seleger dechnisse nagelaten wedewen, vor hundert marck penninge der suluen weringe. Dusse sofs marck penninge iarliker rente willen vnd scolen de vognanten vorstendere sunte katherinen vnd ore nakamelinge ok vorstendere der suluen alle iar to vyr tiden des iares, also to sunte Johannis baptisten dage, to sunte michaelis dage, to wynachten vnd to paschen, to isliker tid mit vervndetwintich schillinge penninge der erdachten weringe sunder vortoch entrichten vnd betalen. Wenn denn de vpgnante heyle in god nach den willen gades vorstoruen ifs, so scolen den vpgnanten vorstendern vnd oren nakamelingen ok vorstenderen der vpgnanten kerken, Jacob aleman den Jungeren tor noge geuen vnde entrichten alle iarliges ok allene de tyd fynes gantzen leuendefs vif marck penninge vnde vor sodane eyne marck pennige, de Jacob vognant van sodane sofs marck penninge na heyliken wolters dode nablist, scolen de gnanten vorstender vnd ore nakamelinge vorstender to ewigen tyden holden vnd holden laten alle iarliges eyne ewige dechnisse mit deme kerkheren, beyden cappelanen vnd beyde kosteren vnd negen iungen